

參同論

人之必藉夫爲也原有實功如將此身看輕便失爲人之道在釋寂坐以了生死在道修煉以出生死在儒以暗室屋漏之無愧以畢一生是道是功人人勉之人人昧之究世所謂釋何者是釋所謂道所謂儒何者是道是儒我所語非無釋無道無儒之謂是少真釋真道真儒之謂真釋非無識之者少真道非無敬之者少真儒非無宗之者少能識能敬能宗則真者自出卽不出自能遇一遇而有能識能敬能宗始真爲我益益則爲人之道具爲人之功全若倚於釋則有枯槁之病倚於道則有放浪之病全乎儒則釋之道在其中道之道亦在其中然人孰能

道藏輯要

呂帝文集

四

室集五
川上上

之乎純陽師則獨闢三教參同之道以爲道人有進而叩我者卽語之曰修行布施與釋之道通與道之道亦無不通復語之曰孝悌忠信記過功與儒之道尤切近精實人能讀我文細細領畧爲人之道具爲人之功亦全世之爲釋爲道爲儒遍天下師豈得而非之人人非之豈得而是之人人是之總在遇之者能識之敬之宗之始不負夫出而使之有是遇以得盡夫爲人